

HOËRSKOOL BRACKENFELL HIGH SCHOOL

Hoërskool Brackenfell
Roglandstraat
Brackenfell
7560
Tel: 021 981 5522
E-pos: staff@brackenfellhs.co.za
Web: www.brackenfellhs.co.za
Facebook:
<https://www.facebook.com/Brakkieland>



Brackenfell High School
Rogland Street
Brackenfell
7560
Tel: 021 981 5522
E-mail: staff@brackenfellhs.co.za
Web: www.brackenfellhs.co.za
Facebook:
<https://www.facebook.com/Brakkieland>

TAALBELEID VAN DIE HOËRSKOOL BRACKENFELL

1. Agtergrond

Die taalbeleid is opgestel in ooreenstemming met die bepalinge van die Grondwet van die Republiek van Suid-Afrika, Wet 108 van 1996; die Suid-Afrikaanse Skolewet, Wet 84 van 1996 ('die Skolewet'); die Wet op Nasionale Onderwysbeleid, Wet 27 van 1996; toepaslike provinsiale wetgewing oor skoolonderwys; regspraak van Suid-Afrikaanse howe; die Internasionale Konvensie met betrekking tot die Regte van Kinders; die "African Charter on the Rights and Welfare of Children"; die Norme en Standaarde vir Taalbeleid in Openbare Skole, 1997 (GK 1701 van 19 Desember 1997) en die aanwysings van die Pan-Suid-Afrikaanse Taalraad. Ingevolge die skolewet (Wet 84 van 1996) gelees in artikel 6, voorsiening die wet dat die Skoolbeheerliggaam die taalbeleid van 'n skool kan bepaal. Ingevolge vermelde mandaat word die taalbeleid as volg bepaal:

2. Taal van leer en onderrig

Afrikaans en Engels is die tale van onderrig en leer.

- In graad 8 en 9 (AOO fase) word parallelmediumonderrig gevolg. Dit beteken dat leerders onderrig ontvang in Afrikaans OF Engels.
- In graad 10 tot 12 (VOO fase) word klasse in dubbelmedium onderrig.
 - Dit beteken dat kernvakke soos Afrikaans, Engels, Wiskunde en LO in Afrikaans OF Engels onderrig word.
 - Keusevakke in graad 10 – 12 ontvang onderrig in beide Afrikaans EN Engels in dieselfde klas.

'n Leerder moet dus bedrewe wees in beide die tale omdat dit beteken dat nie alles in die leerder se huistaal herhaal gaan word nie.

Leerders wat dus aan die einde van die AOO fase nie in staat is om in beide tale klasonderrig te ontvang nie, moet toegang tot 'n skool soek waar in die leerder se taalvoorkeur onderrig gegee word. Die skool en die bestuur kan nie in sulke gevalle aan leerders toegang tot sodanige skole verseker nie. Ouers van sodanige leerders sal sterk aangemoedig word om hulle kinders uit die staanspoor in te skryf in skole waar aan hul taalvoorkeur voldoen word.

Die keuse in onderrigtaal moet aangedui word wanneer die leerder aansoek doen om toelating tot die skool.

3. Tale wat as vak onderrig word

Afrikaans en Engels word as vakke aangebied volgens die tydstoewysing wat deur die leerplanne bepaal word.

4. Hersiening van die beleid

Die beleid sal hersien word met die verkiesing van die nuwe SBL.

5. Beskerming van die regte van leerders in geval van 'n beleidsverandering

Indien die taalbeleid van die skool verander, sal die skool die nuwe taalbeleid infaseer sodat leerders nie in die middel van hul skoolloopbaan ontwig word nie.

6. Taal van assesering

AOO-fase: Afrikaans of Engels (Leerder se keuse)

VOO-fase: Afrikaans of Engels (Leerder se keuse)

7. Taal van kommunikasie met ouers

Oueraande word in dubbelmedium aangebied. Onderhoude met ouers word in die taalvoorkeur van die ouer gevoer (Afrikaans of Engels). Vergaderings sal in dubbelmedium geskied. Sprekers van buite word versoek om die beleid te volg.

8. Die ontwikkeling van veeltaligheid

Die skool bevorder veeltaligheid deur die aanbieding van:

Afrikaans as Huistaal en as Eerste Addisionele Taal vir leerders in Graad 8-12.

Engels as Huistaal en as Eerste Addisionele Taal vir leerders in Graad 8-12

Graad 8-9 parallelmedium onderrig en Graad 10 – 12 word dubbelmedium klasse op 'n 50/50 basis aangebied wat veeltaligheid verder bevorder.

Kommunikasie in die skool word as beginsel gehandhaaf deur beide tale op 'n 50/50 basis te bevorder.

9. Planne om taalaanleerbehoefte van minderheidsgroepe te akkommodeer

Leerplanne maak nie voorsiening om nuwe taal in AOO-fase aan te leer nie. Gevolglik kan die skool dit nie implementeer nie.

10. Planne om status van inheemse tale te bevorder

Die vak Lewensoriëntering bevorder die gebruik van inheemse tale en leer leerders respek vir mekaar se tale — veral die derde amptelike taal van die Wes-Kaap.

Die inheemse taal Afrikaans word by skool aangebied.

11. Personeelvoorsiening

Indien daar enige uitbreiding van taal aanbieding is, moet SBL daarvoor betaal. Vanweë uitbreiding van fisiese geriewe en personeel voorsiening is daar nie fondse om voorsiening daarvoor te laat in die afsienbare toekoms nie.

12. Voederskool en hoërskool

Tans is die taalbeleide met die oog op die onderrigtaal van die skole in ons voederarea en die hoërskool in harmonie.

13. Planne t.o.v. leermateriaal

Onderrigmateriaal word in beide tale van onderrig en leer voorsien.

Die tale van onderrig en leer en die tale as vak se onderrigmateriaal word volledig voorsien.

14. Boekhouding van taalversoeke

Die sekretaresse wat die inskrywings hanteer, sal boekhou van taalversoeke waaraan ons nie kan voldoen nie. Die versoeke sal op 'n kwartaallike basis aan die OBOS deurgegee word.

15. Tydsraamwerke met implimentering van beleid

Die beleid is reeds in werking. Veranderinge sal op 'n ad hoc-basis hanteer word en as addendum tot die Taalbeleid gevoeg word.

16. Ouervergaderings

Ouervergaderings word in dubbelmedium aangebied. Onderhoude met ouers word in die taalvoorkeur (Afrikaans / Engels) van die ouer gevoer.



ALTIORA SPERO